

KERATAN AKHBAR

8

DALAM NEGERI

Dr. Mahathir minta Kemas naikkan imej

Oleh C. SHEILA RANI

pengaran@utusan.com.my

■ KUALA LUMPUR 23 FEB.

KAKITANGAN Jabatan Kemajuan Masyarakat (Kemas) harus menaikkan semula imej dan kewibawaan jabatan tersebut sebagai sebuah organisasi pembangunan masyarakat luar bandar.

Perdana Menteri, Tun Dr. Mahathir Mohamad berkata, Kemas juga perlu ke hadapan sebagai agensi utama penggerak perubahan masyarakat di luar bandar.

“Tingkatkan prestasi kerja, sentiasa lakukan perubahan dan fleksibel dalam setiap tindakan.

“Mereka juga harus memberi

fokus sepenuhnya terhadap penyampaian perkhidmatan yang baik kepada masyarakat selaras dengan aspirasi Kemas sebagai penggerak kesejahteraan masyarakat luar bandar,” katanya berucap dalam Perhimpunan Perdana Sambutan Hari Kemas 2019, dekat sini hari ini.

Teks ucapan Perdana Menteri dibacakan oleh Menteri Pembangunan Luar Bandar, Datuk Seri Rina Mohd. Harun.

Turut hadir, Timbalan Menteri Pembangunan Luar Bandar, R. Siavarasa; Ketua Setiausaha Kementerian Pembangunan Luar Bandar, Datuk Dr. Ahmad Jailani Muhammed Yunus dan Ketua Pengarah Kemas, Datuk Amiruddin Ariffin.

Perhimpunan Perdana Sambutan Hari Kemas yang julung kali

diadakan bertujuan menerangkan hala tuju dan peranan warga Kemas sebagai sebuah agensi yang bertanggungjawab dalam memajukan masyarakat luar bandar.

Dalam pada itu, Dr. Mahathir berkata, Kemas perlu menjadi tulang belakang kerajaan dalam meruskan usaha-usaha perancangan dan pembangunan negara.

Kata beliau, langkah itu bagi memastikan segala usaha yang dilakukan oleh kerajaan berjalan dengan lebih teratur dan berkesan.

“Setiap anggota Kemas dituntut agar menghayati falsafah, dasar dan aspirasi kerajaan yang kemudiannya disampaikan kepada masyarakat luar bandar dengan harapan agar mereka juga turut sama merasai aspirasi tersebut,” katanya.

AKHBAR : MINGGUAN MALAYSIA
TARIKH/HARI : 24.2.2019/AHAD
MUKASURAT : 8
RUANGAN : DALAM NEGERI

KETERANGAN AKHBAR

KERATAN AKHBAR

KPLB sasar guru Tabika Kemas miliki ijazah

KUALA LUMPUR - Kementerian Pembangunan Luar Bandar (KPLB) berhasrat meningkatkan profesionalisme bagi guru atau Pemaju Masyarakat di Taman Bimbingan Kanak-Kanak (Tabika) Jabatan Kemajuan Masyarakat (Kemas) daripada kelayakan diploma kepada ijazah sarjana muda.

Menyerahnya, Datuk Seri Rina Mohd Harun berkata, ia salah satu strategi di bawah Pelan Kualiti Perkhidmatan Pendidikan Awal Kanak-Kanak (PKPPAK) 2020-2030).

Katanya, terdapat kira-kira 70 peratus atau 9,387 daripada 11,196 orang guru memiliki Diploma Pendidikan Awal Kanak-Kanak.

"Sepanjang tempoh 2019 hingga 2023, kementerian menyasarkan seramai 835 orang mengikuti Diploma Pendidikan Awal Kanak-Kanak.

"Itu sasaran bagi tempoh 10 tahun (memastikan guru Tabika Kemas memiliki ijazah sarjana muda) tetapi untuk bergerak ke arah itu kita kena pastikan semua guru memiliki diploma," katanya ketika ber-



Rina (dua dari kanan) selepas merasmikan Program Kemas TaLK 2019 Pendidikan Awal Kanak-Kanak Kemas di ibu negara semalam.

ucap merasmikan Program Kemas TaLK 2019 Pendidikan Awal Kanak-Kanak Kemas dan Pelancaran Pelan Kualiti Perkhidmatan Pendidikan Awal Kanak-Kanak 2020-2030 di sini semalam.

Beliau berkata, peningkatan profesionalisme yang dirancang itu melibatkan Pembantu Masyarakat (PPM), Pembantu Pemaju Masyarakat Sukarelawan (PPMS) dan jurulatih.

"Dalam tempoh 10 tahun antara tindakan yang dirancang dalam PKPPAK ialah mendapatkan kelulusan Jabatan Perkhidma-

tan Awam untuk jawatan tetap bagi Pembantu Masyarakat, PPM dan menaiktaraf PPMS kepada perjawatan tetap," katanya.

Mengulas mengenai PKPPAK, Rina berkata, ia hasil usaha kementerian dengan kerjasama kajian daripada Universiti Putra Malaysia (UPM) sejak 2018.

"Ada sembilan strategi menambah baik sistem pengajaran dan pembelajaran di Tabika Kemas.

"Ada dinyatakan bagaimana usaha kita meningkatkan komitmen ibu bapa dan memastikan program berjaya," katanya.

KERATAN AKHBAR

Sasar 50 peratus peserta wanita

IPOH 4 Ogos - Kementerian Pembangunan Luar Bandar menasarkan 50 peratus golongan wanita untuk menyertai program usahawan desa sekali gus dapat membaiki ekonomi keluarga.

Ketika ini sebanyak 27 peratus daripada kira-kira 82,000 peserta yang mengikuti pelbagai program bimbingan keusahawanan anjuran kementerian itu adalah wanita.

Menterinya Datuk Seri Rina Harun berkata, wanita terutamanya dari luar bandar harus mengambil peluang tersebut yang juga sebahagian daripada inisiatif kerajaan membantu golongan sasar.

Menurut beliau, terdapat 12 buah agensi di bawah kementerian itu yang menyediakan pelbagai program bimbingan keusahawanan termasuk oleh Jabatan Kemajuan Masyarakat (Kemas).

"Dasar Pembangunan Luar Bandar (DPLB) 2030 yang dilancarkan Perdana Menteri Tun Dr. Mahathir Mohamad pada Jun lalu menyediakan kerangka hala tuju pembangunan luar bandar



RINA HARUN (tiga dari kanan) bersama penerima Anugerah Beliawanis Harapan Kemas Perak, Nuraainna Noorhisham (dua dari kanan) sempena program WINS di Ipoh, Perak semalam. - UTUSAN/GAMBAR ZAKI SALLEH

ke arah menuju negara maju dan berpendapatan tinggi.

"Jadi apa yang dilakukan oleh pihak kementerian ketika ini adalah untuk melahirkan lebih ramai usahawanita desa," katanya.

Beliau berkata demikian dalam ucapan perasmian pro-

gram Wacana Ilmu Wanita Inspirasi (WINS) anjuran Kemas di Pusat Konvensyen Casuarina, di sini hari ini.

Dalam majlis itu sebanyak 45 peserta menerima Kit Peralatan Kursus Kemahiran 'Quick Win' seperti ketuhar elektrik dan mesin jahit.

KETERANGAN AKHBAR